



Seljord kommune

Kultur og næring

Arkiv: N64
Saksnr.: 2019/809-34
Sakshand.: Asbjørn Storrusten
Direkte tlf.: 350 65 155
Dato: 18.11.2019

Saksframlegg

Utval	Utvalssak	Møtedato
Formannskap/økonomiutval		21.11.2019
Kommunestyret		12.12.2019

Tildeling/eigenandel for fiber/breibandutbygging i 2019/ 2020 – manglande eigenfinansiering

Saksdokument:

Vedlegg:

1 Tildelingsbrev Seljord kommune - Bredbåndsutbygging 2019

Saksutgreiing:

Seljord kommune søkte den 5. september 2019 Telemark fylkeskommune/NKOM (Nasjonal kommunikasjonsmyndighet) om støtte for å bygge fiber/breiband til områda Vefall/Brekke, Seljordsheii/Garvik/Telnes, Kivledalen og Øverbø i Åmotsdal.

Dette er område der det ikkje er kommersielt grunnlag for å bygge ut slik infrastruktur og det offentlege må støtte utbygging om områda skal sikrast å få fiber/breiband.

Søknaden var på kr 2.415.000,- for utbygging i 2020- 2021.

Utbyggingsprosjektet har ein berekna ramme på kr 6.900.000,-.

Finansiert med støtte av NKOM kr. 2.415.000,-

Lokalt bidrag kr. 415.000,-

Utbyggardel kr 2.070.000,-

Seljord kommune kr. 2.000.000,-.

Kommunestyret handsamma saka på sitt møte 2.mai 2019 og gjorde følgjande vedtak;

Vedtak i Kommunestyret - 02.05.2019

A. *Seljord kommune oppmodar Vest-Telemark kraftlag/ Telefiber og Notodden Energi om snarast mogleg å tilby breiband/fiber på kommersiell basis til innbyggjarane i*

1) Nordbyggdi (vest for Gullnesvegen- kommunegrense),

2) Bjørgemoen/Trongkleiv/ Flatin,

3) Mosasida frå Seljord til og med Sandsdalen.

4) Husstandar nær utbygde område

B. Seljord kommune søker NKOM i 2019 om støtte til å bygge breiband/ fiber til områda Vefall/Brekke, Seljordsheii/ Garvik/ Telnes og Kivledalen for utbygging i 2020-2021.

C. Seljord kommune vil vurdere, i samanheng med revidering av økonomiplanen 2020-2021, å sette av midlar for eigenandel (inntil kr 2.500.000,-) som kommunal del i denne søknaden.

D. Administrasjonen må kartlegge dei områda som manglar/har usikker dekning av mobiltelefoni og breiband, og arbeide aktivt for å sikre dekning av desse områda.

Telemark fylkeskommune har nå tildelt Seljord kommune kr 1,1 mil kr som støtte for utbygging av fiber/breiband for 2019 -2020 og ber kommune akseptere tildelinga nå.

Det er planlagt felles utlysing for Telemark i slutten av november 2019. Dette betyr at det i 2020 vil kunne bli sett i gang ein felles utbygging i Telemark.

Nasjonale signaler er at det vil bli auka innsats på fiber/breibandutbygging neste år så Seljord kan forvente å få tildelt resten (1,4 mill.)

Justert utbyggingsplan for 2019- 2020, med tildelinga på kr 1,1, mill. vil kunne vera utbygging av områda Vefall/Brekke og Kivledalen.

Utbygging av desse områda er berekna til å koste omlag kr 2.500.000,-.

Ein utbygging for 2019 på kr 2.500.000 er tenkt finansierast slik;

Tfk/NKOM	kr. 1.100.000,-
Utbyggjarane	kr. 700.000,-
Seljord kommunen	kr. 700.000,-

Kommunal støtte til infrastrukturtiltak der kommunen ikkje vil vera framtidig eigar, er ikkje kommunal investering og må dekkes over driftsbudsjettet.

Rådmannen har ikkje sett moglegheit til å innarbeide denne kostnaden i sitt budsjettforslag for 2020.

Om kommunen ikkje klarer å forplikte seg med sin del av den planlagde utbygging, må utbygginga nok reduserast mykje.

Kor stor del "lokal finansiering" vil kunne bli er vanskeleg å anslå, når utbyggingskostnad ikkje er fastsatt.

Seljord kommune hadde svarfrist 15.11 på å akseptere tilsagnsbrev frå Telemark fylkeskommune, men har etter førespurnad fått utsatt frist til etter handsaming i formannskapet. Kommunestyret får saka som referatsak i møte 12.12.2019.

Rådmannen si tilråding:

Formannskapet aksepterer Telemark fylkeskommune sin tildeling for å bygge fiber/breiband i Seljord på kr 1.1. mill. for 2019. Dette under den føresetnaden at kommunen ikkje kan dekke sin tenkte del. Seljord kommunen godtek at det vil bli ein sterkt redusert utbygging i 2019/ 2020.

Utskrift til: Telemark fylkeskommune